

**Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
SARAJEVO**

**I N F O R M A C I J A  
O STANJU KRIMINALITETA, JAVNOG REDA I MIRA I SIGURNOSTI  
SAOBRAĆAJA NA PODRUČJU KANTONA SARAJEVO  
ZA MJESEC AUGUST 2014. GODINE**

---

Sarajevo, septembar 2014. godine

## 1. KRIMINALITET

### 1.1. OSNOVNI STATISTIČKI POKAZATELJI KRIMINALITETA

U mjesecu avgustu 2014. godine, na području Kantona Sarajevo registrovano je 478 krivičnih djela<sup>1</sup> što je za 67 ili 12,3% manje u odnosu na isti mjesec prethodne godine.

Od ukupnog broja registrovanih krivičnih djela, 143 ili 29,9% izvršeno je od strane poznatih, a 335 ili 70,1% od strane nepoznatih izvršilaca.

Za 167 djela ili 49,8% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 82 krivična djela iz izvještajnog, a 85 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu avgustu 2014. godine za ukupno 310 krivičnih djela ili 64,9%, identifikovali osumnjičene izvršioce, što je za 2,5% više u odnosu na isti mjesec prethodne godine.

Osnovni statistički pokazatelji kriminaliteta u mjesecu avgustu 2014. godine

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>Avgust 2014.</b>	<b>478</b>	<b>143</b>	<b>335</b>	<b>167</b>	<b>85</b>	<b>197</b>	<b>7</b>	<b>127</b>	<b>83</b>
Avgust 2013.	545	150	395	190	79	247	15	165	120
uporedba	-67	-7	-60	-23	6	-50	-8	-38	-37

Zbog postojanja osnova sumnje da su počinili krivična djela prijavljeno je 197 lica (50 manje), od čega je 127 povratnika (38 manje) u izvršenju krivičnih djela (ili 64,5%), sedam maloljetnika (osam manje), a 83 lica su lišena slobode (37 manje).


<sup>1</sup>U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 348 obavijesti (51 manje) o događajima u kojima je pričinjena neznatna materijalna šteta.

Pregled kriminaliteta na području Kantona Sarajevo u mjesecu avgustu 2014/13. godine posmatrano po glavama KZFBiH-a (Sl. novine FBiH-a br. 36/03)

KRIVIČNA DJELA	avgust 2014.	avgust 2013.	uporedba		rasvj. avgust 2014.g	
			+/-	%	broj kd	%
Protiv života i tijela	14	13	1	7,7%	14	100%
Protiv slobode i prava čovjeka i građanina	12	15	-3	-20%	11	91,7%
Protiv spolne slobode i morala	3	0	3	---	3	100%
Protiv braka, porodice i mladeži	16	20	-4	-20%	16	100%
Protiv zdravlja ljudi	20	32	-12	-37,5%	20	100%
Protiv privrede, poslovanja i sigurnosti platnog prometa	1	0	1	--	1	100%
Protiv imovine	363	404	-41	-10,1%	199	54,8%
Protiv opće sigurnosti ljudi i imovine	12	11	1	9,1%	9	75%
Protiv sigurnosti javnog prometa	4	5	-1	-20%	4	100%
Protiv pravosuđa	0	4	-4	---	0	---
Protiv javnog reda i pravnog prometa	24	32	-8	-25%	24	100%
Zakon o nabavljanju, držanju i nošenju oružja i municije (Sl. novine KS br. 38/07)	9	9	0	ISTO	9	100%
<b>UKUPNO</b>	<b>478</b>	<b>545</b>	<b>-67</b>	<b>-12,3%</b>	<b>310</b>	<b>64,9%</b>

*U mjesecu avgustu 2014. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 67 djela ili 12,3%. Smanjenje je registrovano u oblastima protiv imovine (za 41 djelo), zdravlja ljudi (za 12 djela), javnog reda i pravnog prometa (za osam), braka, porodice i mladeži (za četiri), pravosuđa (za četiri), slobode i prava čovjeka i građanina (za tri djela), itd.*

Grafički prikaz broja registrovanih i rasvijetljenih krivičnih djela po policijskim upravama MUP-a KS



Pregled registrovanih krivičnih djela na području Kantona Sarajevo u mjesecu  
avgustu 2014. godine

ČLAN	KZ	Naziv člana	UKUPNO		
			KD <sup>2</sup>	NN	NI
			<b>478</b>	<b>335</b>	<b>167</b>
166/28	FBiH	UBISTVO U POKUŠAJU	1	0	0
172	FBiH	TEŠKA TJELESNA OZLJEDA	12	0	0
173	FBiH	LAHKA TJELESNA OZLJEDA	1	0	0
183	FBiH	UGROŽAVANJE SIGURNOSTI	12	1	0
204	FBiH	SPOLNI ODNOŠAJ S NEMOĆNOM OSOBOM	1	0	0
208	FBiH	BLUDNE RADNJE	1	0	0
210	FBiH	NAVOĐENJE NA PROSTITUCIJU	1	0	0
222	FBiH	NASILJE U PORODICI	16	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	4	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	16	0	0
268	FBiH	OBMANA PRI DOBIJANJU KREDITA I DRUGIH POGODNOSTI	1	0	0
286	FBiH	KRAĐA	57	51	32
287	FBiH	TEŠKA KRAĐA st 1.tačka a)	210	206	88
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	13	12	16
287/28	FBiH	TEŠKA KRAĐA U POKUŠAJU	4	4	4
288	FBiH	RAZBOJNIČKA KRAĐA	3	3	1
289	FBiH	RAZBOJNIŠTVO	39	38	15
289/28	FBiH	RAZBOJNIŠTVO U POKUŠAJU	2	2	0
290	FBiH	UTAJA	7	3	0
293	FBiH	OŠTEĆENJE TUĐE STVARI	19	8	6
294	FBiH	PRIJEVARA	6	0	0
294/33	FBiH	PRIJEVARA U POMAGANJU	2	0	0
295	FBiH	IZNUDA	1	0	0
301	FBiH	PALJEVINA	0	0	1
323	FBiH	IZAZIVANJE OPĆE OPASNOSTI	12	5	2
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	4	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	0
362	FBiH	NASILNIČKO PONAŠANJE	9	0	0
366	FBiH	SKIDANJE ILI POVREDA SLUŽBENOG PEČATA ILI ZNAKA	1	0	0
370	FBiH	SAMOVLAŠĆE	1	1	1
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJA	5	0	0
373	FBiH	KRIVOTVORENJE ISPRAVE	6	1	1
Zakon o nabavljanju, držanju i nošenju oružja i municije (Sl. novine KS br. 38/07)			9	0	0

<sup>2</sup> KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

## 2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

Tokom mjeseca avgusta 2014. godine u ovoj oblasti evidentirano je 14 krivičnih djela (jedno više u odnosu na avgust 2013. godine), i to: ubistvo u pokušaju – jedno djelo (jedno manje), teška tjelesna ozljeda – 12 (11 manje) i lahka tjelesna ozljeda – jedno djelo (isti broj djela).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, a četiri su lišena slobode.

*Zbog postojanja osnova sumnje da je dana, 02.08.2014. godine, oko 16,40 na raskrsnici ulica Franje Račkog – Vilsonovo šetalište, prilikom legitimisanja od strane policajaca PS Novo Sarajevo, Makaš Nermina i Rotić Hasimira, pucao iz pištolja u pravcu istih, čime bi počinio krivično djelo iz člana 166. u vezi sa članom 28. KZ FBiH-a (Ubistvo u pokušaju) lišen je slobode i uz službeni izvještaj predat nadležnom tužilaštvu D. Samir (1980).*

### 1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 12 krivičnih djela (tri manje) - ugrožavanje sigurnosti, za čije izvršenje je prijavljeno je 11 lica.

Krivična djela ugrožavanja sigurnosti evidentirana su na području sljedećih općina: Ilidža – pet, Vogošća – dva, Stari Grad, Centar, Novo Sarajevo, Hadžići i Ilijaš – po jedno djelo, a počinjena su upućivanjem verbalnih prijetnji, pisanjem poruka prijeteceg sadržaja i sl. bez težih posljedica po oštećene.

### 1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su tri djela (u uporednom mjesecu nije bilo djela u ovoj oblasti) i to: spolni odnošaj s nemoćnom osobom, bludne radnje i navođenje na prostituciju – po jedno djelo, za čije izvršenje su prijavljena dva lica koja su lišena slobode i uz službene izvještaje predata nadležnom tužilaštvu.

*Zbog postojanja osnova sumnje da je u proteklom periodu u kući, ulica Mihrivode, općina Stari Grad, u više navrata imao nasilan seksualni odnos sa B.A. (1995) osobom sa lakom mentalnom retardacijom, te istu prisiljavao na prostituciju čime bi počinio krivično djelo iz člana 204. KZ FBiH-a (Spolni odnošaj s nemoćnom osobom) i člana 210. KZ FBiH-a (Navođenje na prostituciju), u izvještajnom mjesecu lišen je slobode i uz službeni izvještaj predat nadležnom tužilaštvu B.Šemsudin (1963).*

#### 1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 16 djela (četiri manje) - nasilje u porodici, za čije izvršenje je prijavljeno 16 lica, a 12 je lišeno slobode.

Ova krivična djela evidentirana su na području općina: Novi Grad – šest, Ilidža – četiri, Stari Grad i Ilijaš – po dva, Centar i Vogošća – po jedno djelo.

#### 1.2.5. KRIVIČNA DJELA PROTIV ZDRAVLJA LJUDI

Prijavljeno je 20 krivičnih djela iz oblasti protiv zdravlja ljudi (12 manje) i to:  
- neovlašćena proizvodnja i stavljanje u promet opojnih droga (čl. 238. KZ FBiH) – četiri,  
- posjedovanje i omogućavanje uživanja opojnih droga (čl. 239. KZ FBiH) – 16 djela.

Zbog postojanja osnova sumnje da su počinili navedena djela podneseni su službeni izvještaji protiv 19 lica , a devet je lišeno slobode.

*Policijski službenici Uprave policije su Kantonalnom tužilaštvu Sarajevo podnijeli službene izvještaje protiv četiri lica zbog postojanja osnova sumnje da su u proteklom periodu u više navrata kupovali opojnu drogu Marihuanu od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 15 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Speed”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

Pregled oduzete količine opojnih droga u mjesecu avgustu 2014/13. godine

VRSTA OPOJNE DROGE	avgust 2014.GOD.	avgust 2013 GOD.
Marihuana (u gramima)	---	1.584,35
Marihuana (paketići)	2	25
Marihuana (Joint)	1	---
stabljike Cannabisa	----	8
sjemenke Cannabisa	----	--
Heroin (paketići)	----	1
Speed (u gramima)	425	---
Speed (paketići)	8	---
Pribor sa ostacima droge	11	10

Podneseno je šest zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pretres sedam lica, dva stambena objekta i automobila po usmenim naredbama Opštinskog suda u Sarajevu.

#### 1.2.6. KRIVIČNA DJELA PROTIV IMOVINE

U ovom mjesecu, registrovana su 363 krivična djela protiv imovine, što je za 41 djelo ili 10,1% manje u odnosu na isti mjesec prošle godine. Među djelima iz ove oblasti najbrojnije su: teške krađe – 223 djela (39 manje), zatim krađe – 57 (pet manje), razbojništvo – 39 (tri manje), oštećenje tuđe stvari – 19 (tri više), prijevara – šest (dva manje), teška krađa u pokušaju – četiri (tri manje), itd.

Za ukupno 199 ovih djela ili 54,8% identifikovan je osumnjičeni izvršilac što je za 4,1% veća rasvijetljenost ovih djela u odnosu na avgust predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 96 slučajeva (53 manje), zatim slijede stambeni objekti - 80 (15 više), poslovni prostori - 41 (isti broj), itd.

Na području Kantona Sarajevo u mjesecu avgustu ove godine izvršeno je 61-no krivično djelo teških krađa motornih vozila od čega je 18 ili 29,5% pronađeno i vraćeno vlasnicima (od strane policije MUP-a KS vraćeno je pet vozila, MUP RS-a – šest, drugih MUP-ova – jedno i vlasnici su sami pronašli – šest vozila).

Broj teških krađa motornih vozila, smanjen je za 33 ili 35,1%.

Pregled broja otuđenih i vraćenih putničkih motornih vozila na području Kantona Sarajevo po policijskim upravama u mjesecu avgustu 2014. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	14	17	18	12	0	61
broj vraćenih pmv	4	4	7	3	0	18
% vraćenih pmv	28,6%	23,5%	38,9%	25%	---	29,5%

Policijski službenici su tokom mjeseca avgusta ove godine, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv četiri lica (isti broj).

Pregled broja otuđenih motornih vozila na području Kantona Sarajevo po policijskim upravama u mjesecu avgustu 2014/13. godine

POLICIJSKA UPRAVA	I PU	II PU	III PU	IV PU	V PU	UKUPNO	
<b>broj otuđenih vozila–avgust 2014.g</b>	<b>14</b>	<b>17</b>	<b>18</b>	<b>12</b>	<b>0</b>	<b>61</b>	
broj otuđenih vozila–avgust 2013.g.	23	22	25	19	5	94	
uporedba avgust 2014/13. godine	+, -	-9	-5	-7	-7	-5	-33
	%	-39,1%	-22,7%	-28%	-36,8%	---	-35,1%


Prijavljeno je 57 krivičnih djela krađe (pet manje), koja su izvršena 15 puta u poslovnim prostorijama, deset puta u vozilima i na stajalištima GRAS-a, devet u stambenim objektima, 18 puta na ulici, itd. odakle su otuđivani novčanici, bicikli, tehnička roba, cigarete, alat, željezni profili, itd.

U mjesecu augustu 2014. godine, registrovano je 39 krivična djela razbojništva (tri manje), od čega je za 16 ili 41% djela identifikovan osumnjičeni izvršilac (što je za 7,7% više), a evidentirana su na području općina: Novo Sarajevo – 15 (12 više), Centar – sedam (11 manje), Novi Grad – šest (dva manje), Ilidža – šest (jedno više), itd.

Ova djela izvršena su prijetnjom upotrebe vatrenog oružja - 23 puta, prijetnjom upotrebe noža ili drugog oštrog predmeta – šest i upotrebom fizičke snage – 10 puta, a počinjena su na ulici devet puta, prodavnicama - 20, na benzinskim pumpama – četiri, u sportskim kladionicama – tri, itd. Otuđivan je novac, zlatni nakit, mobiteli i jedan automobil.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

**Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS**




Evidentirano je 13 krivičnih djela teških krađa na naročito opasan ili naročito drzak način (dva više), u kojima su izvršioци, upotrebom fizičke snage – 12 puta, te verbalnom prijetnjom u jednom slučaju, otimali nakit, novac i mobitele. Sva djela izvršena su na ulici.

Za ukupno 17 ovih djela (od čega je 11 iz ranijeg perioda) identifikovani su osumnjičeni izvršioци, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica (od kojih su tri povratnika).



Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



#### 1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 12 djela (jedno više) - izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv deset lica od kojih je osam povratnika.


*Krivična djela izazivanja opće opasnosti izvršena su 12 puta na otvorenom prostoru i u garaži - jedno. U šest slučajeva pucano je iz vatrenog oružja, pet puta je otvorenim plamenom izazvan požar i u jednom slučaju aktivirana je nepoznata eksplozivna naprava. Posljedica izvršenja navedenih djela je ranjavanje jednog lica i nastala materijalna šteta.*

#### 1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 24 krivična djela (osam manje) i to: nasilničko ponašanje – devet, krivotvorenje isprave – šest, nedozvoljeno držanje oružja ili eksplozivnih materija – pet, napad na službenu osobu u vršenju poslova sigurnosti – dva, samovlašće i skidanje službenog pečata ili znaka - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 27 lica, a devet je lišeno slobode.

Grafički prikaz broja registrovanih krivičnih djela iz člana 362 KZFBiH (nasilničko ponašanje) po policijskim upravama MUP-a KS



### 1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca avgusta 2014. godine prijavljeno je sedam maloljetnih lica zbog osnova sumnje da su počinili osam krivičnih djela. U odnosu na mjesec avgust 2013. godine, broj maloljetnih izvršilaca smanjen je za osam (ili 53,3%), a broj krivičnih djela za koja su prijavljeni smanjen je za sedam (ili 46,7%).

Među prijavljenim maloljetnim izvršiocima, dva su u dobi između 14 i 16 godina, a pet u dobi između 16 i 18 godina. Svih sedam su povratnici u izvršenju krivičnih djela.

Pregled registrovanih krivičnih djela izvršenih od strane maloljetnih lica po policijskim upravama u mjesecu avgustu 2014/2013. godine

POLICIJSKA UPRAVA	MUP Kantona u sjedištu	I PU	II PU	III PU	IV PU	V PU	UKUPNO
avgust 2014. godine	0	1	1	1	1	4	8
avgust 2013. godine	2	5	6	1	0	1	15
uporedba	-2	-4	-5	0	+1	+3	-7 ili -46,7%

Maloljetna lica su prijavljena za izvršenje tri krivična djela teške krađe, tri djela zloupotrebe opojne droge i po jedno djelo izazivanja opće opasnosti i nasilničkog ponašanja.

Struktura krivičnih djela izvršenih od strane maloljetnih lica u mjesecu avgustu 2014./2013. godine

Naziv krivičnog djela	avgust 2014.	avgust 2013.	+ - %
Teška tjelesna povreda	0	2	-100,0
Posjedovanje i omogućavanje uživanja opojnih droga	3	2	+50,0
Teška krađa	3	4	-25,0
Razbojništvo	0	1	-100,0
Pokušaj razbojništva	0	1	-100,0
Oštećenje tuđe stvari	0	1	-100,0
Izazivanje opće opasnosti	1	2	-50,0
Teška krivična djela protiv sigurnosti javnog prometa	0	1	-100,0
Nasilničko ponašanje	1	0	
Povreda mira pokojnika	0	1	-100,0
UKUPNO	8	15	-46,7

#### 1.4. OSTALA PROTIVPRAVNA I ASOCIJALNA PONAŠANJA

##### 1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca avgusta 2014. godine registrovana su dva slučaja aktiviranja minsko-eksplozivnih sredstava (u istom mjesecu 2013. godine tri), koja, osim materijalne štete, nisu imala ozbiljnijih posljedica.

Slučajevi aktiviranja minsko-eksplozivnih sredstava na području Kantona Sarajevo  
u toku mjeseca avgusta 2014. godine

Općina	Ulica i mjesto	Datum i vrijeme	Posljedice	Učinitelj
Novo Sarajevo	Derviša Numića 1, ispred ugostiteljskog objekta	24.8.2014, oko 03,44	materijalna šteta na objektu	nepoznat
Vogošća	Feriza Merzuka 76, ulica	26.8.2014., oko 23,45	bez posljedica	nepoznat

Radeći na rasvjetljavanju slučajeva aktiviranja minsko-eksplozivnih sredstava iz ranijeg perioda, policijski službenici su identifikovali lice koje je u mjesecu maju 2013. godine aktiviralo eksplozivnu napravu u dvorištu kuće na području općine Novo Sarajevo. Radi se o K.A. (1994.) protiv kojeg je podnesen službeni izvještaj nadležnom tužilaštvu zbog osnova sumnje da je počinio krivično djelo izazivanje opće opasnosti (čl. 323 KZ FBiH).

U proteklom mjesecu registrovana je jedna anonimna dojava o postavljenoj eksplozivnoj napravi (u uporednom mjesecu nijedna) za koju je, nakon KDZ pregleda, utvrđeno da je bila lažna.

##### 1.4.2. POŽARI

Tokom mjeseca avgusta 2014. godine, na području Kantona Sarajevo registrovano je 11 požara (osam manje), koji su za posledicu imali materijalnu štetu. Požari su registrovani na području općina: Ilidža – četiri, Novo Sarajevo, Novi Grad i Hadžići - po dva i Stari Grad – jedan požar. Prema statističkim pokazateljima, šest požara je izazvano namjerno, jedan zbog tehničkih nedostataka, dok uzrok četiri požara spada u kategoriju ostalih.

Zbog izazivanja požara nadležnom tužilaštvu je podneseno pet službenih izvještaja iz člana 323 KZ FBiH (izazivanje opće opasnosti).

#### 1.4.3. OSTALE AKTIVNOSTI

U mjesecu avgustu ove godine, pripadnici policije su u sklopu operativnih aktivnosti izvršili pretres 42 lica, 12 stanova, izvršili utvrđivanje identiteta za 64 lica i lišili slobode devet lica za kojima je bila raspisana potjernica. Takođe, pruženo je 16 asistencija i to na zahtjev državnih organa 14, a po zahtjevu organa i organizacija javnih ovlašćenja – dvije asistencije.

U cilju dokumentovanja krivičnih djela i identifikacije izvršilaca, izvršena su 242 uviđaja, pronađena i obrađena 542 traga, u 241 slučaju fotografisano je lice mjesta, 23 puta je skicirano, izvršeno 120 vještačenja i daktiloskopirano 15 lica.

U okviru potražne djelatnosti raspisano je 11 potjernica od strane sudova Kantona Sarajevo, a 12 je obustavljeno (iz izvještajnog i ranijeg perioda). Takođe, zaprimljeno je devet prijava o nestalim licima, a osam je obustavljeno.

U okviru depešnog saobraćaja predato je 2.366 depeša, primljeno 4.269, zatim tranzitirane 654, dok je za područje RS-a i Granične policije faksom predato 89 depeša, što ukupno iznosi 7.378 obrađenih i razmjenjenih depeša.

Za potrebe tužilaštva i drugih nadležnih organa izvršena je 3019 provjera iz službenih evidencija, na zahtjev građana izdata 524 uvjerenja o njihovoj osuđivanosti ili neosuđivanosti, izvršeno šest brisanja osuda iz evidencija u nadležnosti Ministarstva, otvora 64 nova dosja i evidentirano 427 lica oštećena činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

#### 1.4.4. SAMOUBISTVA

U mjesecu avgustu 2014. godine na području Kantona Sarajevo registrovano je jedno samoubistvo (dva manje) i to na području općine Novi Grad. Suicid je izvršen vješanjem, a izvršilac je muškarac u dobi preko 50 godina.

## 2. JAVNI RED I MIR

Policijski službenici su u toku mjeseca avgusta 2014. godine, zbog raznih oblika narušavanja javnog reda i mira, uručili i podnijeli ukupno 406 prekršajnih naloga i zahtjeva za pokretanje prekršajnog postupka (naloga-286, zahtjeva-120), protiv 442 lica. U odnosu na isti mjesec 2013. godine, broj prekršajnih sankcija smanjen je za 137 ili 25,2%, a broj lica protiv kojih su sankcije preduzete smanjen je za 159 ili 26,5%.


Od ukupnog broja prekršajnih sankcija, 384 ili 94,6% odnosi se na prekršaje utvrđene Zakonom o prekršajima protiv javnog reda i mira, a 22 ili 5,4% na prekršaje utvrđene

Odlukom općinskih vijeća o prekršajima protiv javnog reda i mira. Najveći broj prekršajnih sankcija odnosi se na prekršaje učinjene prosjačenjem (50,2%).

Od ukupnog broja prekršajnih naloga i zahtjeva, 60 se odnosi na lica koja su i ranije činila prekršaje (povratnici), a tri na maloljetna lica.

Prema starosnoj strukturi lica protiv kojih su preduzete prekršajne sankcije, od njih 442 najbrojniji su oni starosne dobi preko 36 godina (232), zatim između 26 i 35 (118), te između 19 i 25 godina (84), dok je maloljetnih učinilaca bilo osam.

Grafički prikaz broja prekršajnih sankcija za avgust 2014./2013. godine po policijskim upravama



Imajući u vidu broj prekršajnih sankcija preduzetih zbog narušavanja javnog reda i mira u toku mjeseca avgusta 2014. godine, vidljivo je da su, kao i do sada, pojačane aktivnosti imali policijski službenici Prve policijske uprave (PS Centar i PS Stari Grad), koji su u najvećem broju slučajeva prekršajne sankcije preduzimali zbog prekršaja koji se čine prosjačenjem. Naime, prekršaji učinjeni prosjačenjem čine 72,1% ukupnog broja prekršaja evidentiranih od strane policijskih službenika ove dvije policijske stanice.

***Pregled broja prekršajni naloga/zahtjeva po policijskim stanicama u odnosu na avgust 2013. god.:***

- PS Centar -122 (32 ili 20,8% manje);
- PS Stari Grad -129 (45 ili 25,9% manje);
- PS Novo Sarajevo -57 (isto);
- PS Novi Grad – 46 (42 ili 47,7% manje);
- PS Ilidža -18 (dva ili 10% manje);
- PS Hadžići - 13 ( sedam ili 35% manje);
- PS Vogošća - 12 (dva ili 14,3% manje);
- PS Ilijaš - šest (jedan ili 14,3 manje);
- PO Trnovo - tri (isto) i
- Jedinica za saobraćaj – nije bilo (šest ili 100%).

U odnosu na mjesec avgust 2013. godine, najveće smanjenje broja prekršajnih sankcija imala je Policijska stanica Novi Grad (47,7% manje). Pojedine policijske stanice imale su isti broj prekršajnih sankcija, dok ni jedna nije imala povećanje tog broja.

**Prema strukturi prekršaja**, najveći broj prekršajnih sankcija preduzet je zbog prekršaja koji su učinjeni prosjačenjem (204 ili 50,2% od ukupnog broja), a znatno manje zbog prekršaja učinjenih naročito drskim ponašanjem (55 ili 13,5%), tučama (53 ili 13,1%), te odbijanjem naređenja i omalovažavanjem policijskih službenika (28 ili 6,9%). Zbog svađe, vike i nepristojnog ponašanja podneseno je osam, a zbog svih drugih prekršaja iz oblasti javnog reda i mira 36 naloga i zahtjeva. Preostali prekršajni nalozi i zahtjevi (22) odnose se na prekršaje koji su utvrđeni Odlukom općinskih vijeća o javnom redu i miru.

***Pregled strukture prekršaja iz oblasti javnog reda i mira u mjesecu avgustu 2014.god. u odnosu na isti mjesec 2013.god.:***

- ◆ Prosjačenje – 204 (39 ili 16% manje);
- ◆ Naročito drsko ponašanje – 55 (osam ili 12,7% manje);
- ◆ Tuče – 53 (38 ili 41,8% manje);
- ◆ Odbijanje naređenja i omalovaž. polic. službenika – 28 (16 ili 36,4% manje);
- ◆ Svađa, vika, nepristojno ponašanje – osam (šest ili 42,9% manje);
- ◆ Ostali prekršaji – 36 (18 ili 33,3% manje) i
- ◆ Prekršaji prema Odluci općinskih vijeća – 22 (12 ili 35,3% manje).

U proteklom mjesecu, u odnosu na isti mjesec 2013. godine, smanjen je broj svih oblika prekršaja što se posebno odnosi na prekršaje učinjene tučama, te odbijanjem naređenja i omalovažavanjem policijskih službenika.

**Prema mjestu izvršenja**, a na osnovu broja preduzetih prekršajnih sankcija, najveći broj prekršaja učinjen je na ulici i na drugim otvorenim prostorima (358 ili 88,2%), a znatno manje u ugostiteljskim objektima (16), u vozilima javnog saobraćaja (pet), u trgovinskim radnjama (2) i u školama (jedan). Na ostalim mjestima registrovana su 24 prekršaja kojima se narušava javni red i mir.

***Pregled broja prekršajnih sankcija u mjesecu avgustu 2014. god., prema mjestu izvršenja u odnosu na avgust 2013. god.:***

- Ulica i drugi otvoreni prostor – 358 (114 ili 24,2% manje);
- Ugostiteljski objekti – 16 (18 ili 52,9% manje);
- Vozila javnog saobraćaja – pet (tri ili 150% više);
- Trgovinske i zanatske radnje – dva (isto);
- Škole i školska dvorišta – jedan (nije bilo)
- Ostala mjesta – 24 (pet ili 17,2% manje).

Na sportskim terenima nisu evidentirani slučajevi narušavanja javnog reda i mira (u istom mjesecu prošle godine četiri).

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih lica (kao ni u mjesecu avgustu 2013. godine), dok je lakše povrijeđeno 25 lica (17 ili 40,5% manje), među kojima su dva maloljetnika.

U toku mjeseca avgusta 2014. godine policijski službenici su preduzimali planske i organizovane aktivnosti na osiguranju brojnih manifestacija održanih na području Kantona Sarajevo (Sarajevo film festival i dr.) koje su protekle bezbjedno. Policijski službenici učestvovali su u osiguranju 194 javna skupa (sedam ili 3,5% manje u odnosu na isti mjesec 2013. godine), a u 65 slučajeva izvršeno je KDZ osiguranje ovih skupova (36 ili 35,6% manje).

### 3. SAOBRAĆAJ

Tokom mjeseca avgusta 2014. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom, sa nastradalim licima i broja poginulih lica, dok je povećan broj povrijeđenih lica.

Registrovano je 966 saobraćajnih nezgoda (34 ili 3,4 % manje), 882 sa materijalnom štetom (32 ili 3,5 % manje) i 84 sa nastradalim licima (dva ili 2,3 % manje).

U naselju je registrovano 908 saobraćajnih nezgoda (jedna sa poginulim, 77 sa povrijeđenim licima i 830 sa materijalnom štetom), van naselja 58 nezgoda (šest sa povrijeđenim licima i 52 sa materijalnom štetom).

Evidentirane su 283 saobraćajne nezgode na raskrsnicama u naselju, osam na raskrsnicama van naselja, dvije na nadvožnjaku, na pješačkom prelazu, mostu, podvožnjaku, tunelu i prelazu preko željezničke pruge – po jedna nezgoda i 668 saobraćajnih nezgoda čije se karakteristike ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec avgust 2014/2013. godina

	avgust 2014	avgust 2013	+,-, %
<b>UKUPNO SAOBRAĆAJNIH NEZGODA</b>	966	1.000	- 34 ili 3,4 %
Saobraćajne nezgode sa nastradalim licima	84	86	- 2 ili 2,3 %
Saobraćajne nezgode sa materijalnom štetom	882	914	- 32 ili 3,5 %
<b>POGINULO LICA</b>	1	3	- 2 ili 66,7 %
- vozači	1	0	+ 1
- putnici	0	1	- 1
- pješaci	0	2	- 2
<b>POVRIJEĐENO LICA</b>	130	107	+ 23 ili 21,5 %
- vozači	59	53	+ 6 ili 11,3 %
- putnici	58	33	+ 25 ili 75,7 %
- pješaci	13	21	- 8 ili 38,1 %

Najveći broj saobraćajnih nezgoda evidentiran je na području općina: Centar (195) i Novi Grad (183). Najveće povećanje broja saobraćajnih nezgoda registrovano je na području općine Novo Sarajevo (za 24 ili 15,3 %), a smanjenje na području općine Ilidža (za 35 ili 18,5 %).

Tabelarni pregled broja saobraćajnih nezgoda po općinama  
za mjesec avgust 2014/2013. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
avgust 2014	102	195	1481	183	154	40	10	57	44	966
avgust 2013	110	220	157	202	189	33	7	42	40	1.000
+, -, %	- 8 ili 7,3 %	- 25 ili 11,4 %	+ 24 ili 15,3 %	- 19 ili 9,4 %	- 35 ili 18,5 %	+ 7 ili 21,2 %	+ 3 ili 42,8 %	+ 15 ili 35,7 %	+ 4 ili 10 %	- 34 ili 3,4 %

### 3.1. POSLJEDICE SAOBRAĆAJNIH NEZGODA

Tokom mjeseca avgusta 2014. godine, u saobraćajnim nezgodama na području Kantona Sarajevo 131 lice je nastradalo (21 ili 19,1 % više). Jedno lice je poginulo <sup>3</sup>(dva ili 66,7 % manje), dok je 130 lica povrijeđeno (23 ili 21,5 % više), 20 teže i 110 lakše.

Među povrijeđenim licima evidentirano je:

- 59 vozača (šest više)
- 58 putnika (25 više)
- 13 pješaka (osam manje)

Tabelarni pregled nastradalih lica u saobraćajnim nezgodama po kategoriji učesnika  
za mjesec avgust 2014/2013. godina

	POGINULI			TEŠKO POVRIJEĐENI			LAKŠE POVRIJEĐENI		
	avgust 2014	avgust 2013	+, -, %	avgust 2014	avgust 2013	+, -, %	avgust 2014	avgust 2013	+, -, %
VOZAČI	1	0	+ 1	8	7	+1 ili 14,3 %	51	46	+ 5 ili 10,9 %
PUTNICI	0	1	- 1	9	2	+ 7 ili 350 %	49	31	+ 18 ili 58,1 %
PJEŠACI	0	2	- 2	3	6	- 3 ili 50 %	10	15	- 5 ili 33,3 %
UKUPNO	1	3	- 2 ili 66,7 %	20	15	+ 5 ili 33,3 %	110	92	+ 18 ili 19,6 %

Kada je u pitanju stepen povreda, osam vozača je teže, a 51 lakše povrijeđen, devet putnika je teže, a 49 lakše povrijeđeno, dok su tri pješaka teže, a 10 lakše povrijeđena.

Najveći broj povrijeđenih lica registrovan je na području općina: Novi Grad - 32 (sedam teže i 25 lakše) i Ilidža – 26 (tri teže i 23 lakše).

<sup>3</sup> Dana 02.08. 2014. godine, na lokaciji „Zapadni prilaz gradu Ilidža – Blažuj“, poginuo je H. A. (30) – vozač motocikla.



Posljedice saobraćajnih nezgoda po policijskim upravama/stanicama za mjesec avgust 2014/2013. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		avgust 2014	avgust 2013	uporedba	avgust 2014	avgust 2013	uporedba	avgust 2014	avgust 2013	uporedba
I PU	Stari grad	0	0	-----	4	2	+ 2 ili 100 %	9	9	isto
	Centar	0	0	-----	0	2	- 2	14	23	- 9 ili 39,1 %
II PU	Novo Sarajevo	0	1	- 1	0	1	- 1	11	8	+ 3 ili 37,5 %
III PU	Novi Grad	0	0	-----	7	2	+ 5 ili 250 %	25	16	+ 9 ili 56,2 %
IV PU	Ilidža	1	1	isto	3	3	isto	23	20	+ 3 ili 15 %
	Hadžići	0	1	- 1	0	2	- 2	12	5	+ 7 ili 140 %
	Trnovo	0	0	-----	0	0	-----	1	0	+ 1
V PU	Vogošća	0	0	-----	2	1	+ 1 ili 100 %	6	5	+ 1 ili 20 %
	Ilijaš	0	0	-----	4	2	+ 2 ili 100 %	9	6	+ 3 ili 50 %
UKUPNO		1	3	- 2 ili 66,7 %	20	15	+ 5 ili 33,3 %	110	92	+ 18 ili 19,6 %

Starosna struktura lica povrijeđenih u saobraćajnim nezgodama je sljedeća: od 25 do 30 godina – 26 lica, od 31 do 40 godina – 22 lica, od 41 do 50 godina – 20 lica, od 51 do 65 godina – 19 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 688 nezgoda u kojima su 84 lica nastradala (jedno lice poginulo, 83 lica povrijeđena), zatim na magistralnim putevima – 132 nezgode u kojima je 31 lice povrijeđeno, na lokalnim putevima – 85 nezgoda (osam lica povrijeđeno), na regionalnim putevima – 19 nezgoda (četiri lica povrijeđena) i na putevima koji se ubrajaju u kategoriju ostalih – 42 saobraćajne nezgode (četiri lica povrijeđena).

### 3.2. UZROCI SAOBRAĆAJNIH NEZGODA

Od ukupno 966 uzroka saobraćajnih nezgoda, 112 je bilo zbog neprilagodene brzine (jedno lice poginulo, 35 lica povrijeđeno), 19 zbog uticaja alkohola (22 lica povrijeđena), dok uzroci za 835 saobraćajnih nezgoda spadaju u kategoriju ostalih (73 lica povrijeđena).

Evidentirano je šest saobraćajnih nezgoda (dvije više), u kojima su učestvovali pripadnici MUP- (pet saobraćajnih nezgoda u kojima su učestvovali pripadnici MUP-a Kantona Sarajevo i jedna u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica.

Evidentirano je 48 saobraćajnih nezgoda (20 manje) u kojima su učestvovali inostrani vozači i šest nezgoda (jedna manje) u kojima su učestvovali pripadnici međunarodnih organizacija.

### 3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec avgust 2014/2013. godine

	avgust 2014/2013	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2014	11.558	2.238	1.658	1.250	2.968	766	2.678
	2013	23.602	4.237	2.723	6.621	3.867	1.999	4.155
broj uručenih prekršajnih naloga	2014	8.492	2.187	1.411	492	475	284	3.643
	2013	13.501	3.668	1.607	1.056	858	1.007	5.305
broj zahtjeva za p.p.p.	2014	27	6	5	0	1	5	10
	2013	24	12	1	0	1	4	6
broj isključenih vozila iz saobraćaja zbog tehničke neispravnosti	2014	29	1	0				28
	2013	25	2	2	3	0	1	17
broj vozača zatečenih da upravljaju vozilom pod dejstvom alkohola	2014	222	66	43	17	24	13	59
	2013	301	55	65	13	19	25	124
broj vozača zatečenih da upravljaju vozilom bez korištenja sig. pojasa	2014	363	51	153	73	63	23	0
	2013	1.165	161	336	42	107	196	323
broj vozača zatečenih da upravljaju vozilom bez položenog vozačkog ispita	2014	143	38	41	5	8	4	47
	2013	301	56	62	23	22	11	127
broj vozača zatečenih da upravljaju vozilom pod izrečenom zaštitnom mj.	2014	0	0	0	0	0	0	0
	2013	0	0	0	0	0	0	0
broj vozila otkrivenih da učestvuju u saobraćaju bez važeće registracije	2014	153	42	18	6	17	13	57
	2013	274	51	50	23	23	20	107

Tokom mjeseca avgusta 2014. godine, kontrolisano je ukupno 11.558 vozila (12.044 manje), 2.015 lica u vozilima (4.263 manje), izvršen je pregled 317 vozila (364 manje) i 218 lica u vozilima (299 manje).

Zbog tehničke neispravnosti iz saobraćaja je isključeno 29 vozila (četiri više), 222 vozača su zatečena da upravljaju vozilom pod dejstvom alkohola (79 manje), 363 bez korištenja sigurnosnog pojasa (802 manje), 143 bez položenog vozačkog ispita (158 manje), a 153 vozača su učestvovala u saobraćaju bez važeće registracije (121 manje).

Zbog kršenja propisa iz oblasti sigurnosti saobraćaja uručena su 8.492 prekršajna naloga vozačima (5.009 manje u odnosu na avgust prošle godine) i podneseno 27 zahtjeva za pokretanje prekršajnog postupka (tri više više). Evidentirana su četiri krivična djela zbog ugrožavanja sigurnosti javnog prometa (jedno manje).

### 3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca avgusta 2014. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 3.339 prekršajnih naloga (1.821 manje), upozoreno je 610 vozača (36 više), a specijalnim vozilom "pauk" premješteno je 145 vozila (78 manje).

### 3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Stari Grad – 933, zatim: Novog Sarajeva – 782, Centra- 721, Novog Grada – 210, Ilidže – 83, Vogošće – 80, Hadžića – 61 i Ilijaša – 12.

Službenici Jedinice za saobraćaj uručili su 457 prekršajnih naloga vozačima.

Takođe, pješacima koji su kršili propise uručeno je devet prekršajnih naloga (23 manje), a upozoreno je 120 pješaka (jedan manje).

## 4. ZAKONITOST U RADU

Tokom mjeseca avgusta 2014. godine, registrovana su dva napada na policijske službenike MUP-a Kantona Sarajevo (dva manje) u kojima su učestvovala dva punoljetna lica.

Policijski službenici su u sedam slučajeva opravdano upotrijebili silu (jedna više):

- fizičku snagu i sredstva za vezivanje – pet puta  
Prva PU – pet puta (PS Centar – četiri puta; PS Stari Grad – jednom)
- vatreno oružje – dva puta  
Prva PU (PS Stari Grad)

Tokom mjeseca avgusta 2014. godine, registrovano je 28 predstavlki na rad službenika policije među kojima je za osam predstavlki (isto kao u avgustu prošle godine) data saglasnost za sprovođenje unutrašnjih istraga, za 19 predstavlki je donesen zaključak da su neosnovane, dok je u jednom slučaju potrebno izvršiti preliminarne provjere.

Postupano je po 13 predstavlki iz ranijeg perioda, tako da je razmatrana ukupno 21 predstavka (11 manje).

Okončane su tri unutrašnje istrage, među kojima su dvije bile bez dovoljno dokaza, dok je u jednom slučaju predstavka neosnovana.

Takođe, postupano je po 14 raznih akata.

## 5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U mjesecu avgustu ove godine evidentirano je devet djela regulisanih ZONDINOIM-om (isti broj) počinjenih od strane devet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: pet pištolja, četiri puške, 12 „noževa, mačeva i sl.“, četiri ručne bombe, 182 komada municije raznog kalibra, itd.

Takođe, tokom ovog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovala u realizaciji akcije "ŽETVA 2014" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – 11 komada,
- mine, granate, trombloni i sl. - šest kom.,,
- pakovanje eksploziva – jedan kom.,
- municija raznog kalibra – 125 komada, itd.

U mjesecu avgustu ove godine fizičkim licima izdato je 45 odobrenja za nabavku vatrenog oružja (15 manje) i 93 oružna lista (15 više).